



## Universitätsbibliothek Paderborn

**Symbola Trinitatis, Id Est Trinitatis diversarum rerum, ex  
Veteris ac Novi Testamenti Scripturis, Historijs &  
exemplis; nec non congruentioribus rerum naturalium  
similitudinibus conscripta ...**

**Duplan, Theodore**

**Ruraemundae, 1663**

72. Ter naufragium fecit.

**urn:nbn:de:hbz:466:1-12221**

Sterneris, erigeris, factus modò cæcus, in alto  
Empyreoquè vides quanta stupenda polo?

*Nota.* Juxta Bern. tres cæli sunt tres Personæ S. Trinitatis. Item tres virtutes & dotes, quibus ad eas, & ad gratiæ, ac gloriæ culmen ascendimus, scilicet humilitas, charitas, & perfecta unio. Nam inquit, quos verbo & exemplo prius Filius humiliaverit, super quos deinde Spiritus S. charitatem effudit, hos tandem in gloriâ Pater recipit. &c. Et post pauca: putasne hos gradus Paulus non transierit qui ad tertium cælum raptus?

S Y M B. 70. de eodem.

**D**ignus ad alta rapi Divum subsellia Paulus,  
Tergeminos scribit se penetrasse polos.  
Quæ videt in primo, forsan, cæloquè secundo  
Oblecent animum, non tamen illa beant.  
Astronomi certent de pluribus ordine cælis,  
Ardet inesse polo mens, ubi visa Trias.

S Y M B O L U M 71.

*S. Paulus Ephesi loquebatur per tres menses. Act. 19.*  
**T**Res Ephesi menses turbas instando docebat,  
Quas sacris, Triados nomine, tingat aquis.  
Pars credit, durâ pars altera fronde resistit,  
Pars sequitur Belial, pars sequiturquè Deum.  
Quas reprobis, bone Pastor, oves divellis ab hœdis,  
Spe, fide, amore auctas, ad meliora præis.

S Y M B O L U M 72.

*Ter naufragium fecit. 2. Cor. 11*  
**P**Aule ter, immensi post tot discrimina mundi  
Jactatus, tumidis es propè sorptus aquis.

Jam.

-532

(87)

Jamquè ferebaris ter piscibus esca futurus,  
Suffocaturas jam bhibiturus aquas:  
Cum Trias occurrens extrema pericula passo;  
Ter voluit laudi Te superesse suæ.

S Y M B O L U M 73.

*Ter Dominum rogavi. 2. Cor. 12.*

**A** Ngor utrimquè; caro trahit huc, mens inde repellens  
Nititur in carnem: quanta duella fero?  
(a) Carnis agor stimulis: ah! ab hospite sicut ab hoste  
Vim patior, contrà, mens meliora petit.  
(b) Ter Triadem oravi; passus sum terquè repulsam;  
(c) Mequè repellendo pellit ad alta Deus.

(a) S. Aug. conc. 1. in psal. 58. quòd verò additur ab alijs id ortum esse ex familiaritate virginis S. Thecle a Paulo baptizata, falsum est. (b) Ter, id est, sèpè & frequenter: ternarius enim symbolum est multitudinis & universitatis. (c) Causa datur, ob quam Paulus repulsam passus est, a S. Aug. in psal. 130: sicut æger, cum ei applicatur pharmacum molctum & ardens, rogat medicum, ut illud auferat, medicus autem ægrotum consolatur ad patientiam, qui novit, quām utile sit quod apposuit; pari modo egit Deus hic cum Paulo.

S Y M B O L U M 74.

*S. Paulus dicit, tres Apostolos, Petrum, Iacobum, & Iohannem, velut ecclesiæ columnas, dedisse sibi dexteræ societatis. Gal. 2.*

**T** Res phlegetontæ revocandis gentibus antro,  
Testaris socias Paule dedisse (a) manus,  
Indivisa Trias fidei tres esse columnas,  
Ac indivisam vult simul esse basim.

Q

Una